

Dirección General de Educación Básica Regular

Dirección de Educación Inicial

Huk atuqsi munasqa killapa warma yanan kayta

Willakuy 7

Quechua Huánuco



MINISTERIO DE EDUCACIÓN

Killapa uyanta chuya yaku quchapi qawaykuspansi, huk atuq killata
kuyayta qallarisqa.

Hanaq pachapi sumaq kanchaq ruyruta qawarispas, atuqqa killata
rimapayayta munasqa.

Killaqa ancha karupitaqsi, mana aypay atina.

Chaysi atuqqa sunqunta tiyachinampaq, quchapi killapa
kanchayninta sapa punchaw rimapayarqa.






Hanaqpachapi killaqa manas atuqta uyarinchu. Karupis karqa,
aswansi pakaykachakuq karqa.
Huk kutis hamun, huk kutitaqsi ripukun, huk kutis uyanta
qawaykachin, huk kutitaqsi yana puyupa qipampi pakakapun.

Kutimuspansi killaqa, qucha patallapipuni atuqtaqa qawarin,
upallachalla paypa uyanta rimapayachkaqta.





Chaychika kutitaña chaynallata atuqta
qawarispas, killaqa tapuykuyta munarqa.
Chaysi killaqa atuqta rimapayaykuykun kaynata,
musquyllanpi:

“Atuq, atuqcha,
qamtam asllata rimaykuyta munayki.
Hatun urquman siqaykuy.
Chaymanmi ñuqapas uraykamusaq.
Chaypim tinkusun”, nispa.

Achikyaymantapachas atuqqa urquman siqayta qallarín.
Qispiyllas qispín,
mana yarqaypa, mana chiripa imanasqan.
Siqarin, siqarinsi,
Quwita, wallatata, llamatapas mana musyarispa.
Astawansi siqachkan,
hinallas qispiykuchkan.



Urqupa mukukunman chayaruptinsi,
tutayaramusqaña. Sumaq, muyuynimpi kancharispani,
killaqa chaypiña kachkasqa.

Atuqman allillmanta asuykuspansi, killaqa
rimayninwan kaynata tapukurqa:

-- ¿Inmatataq quchapatapiri upallachalla rimachkanki?



-- Takiypayaykim. Mapas uyariykuway –nispas atuqqa
kaynata takiyta qallarín:

“Killa, killacha, pakakaykuspa chinkariq
qamtam kuyaykukuyta munayman,
sumaq kasqaykita qawarayanaypaq.
Ñuqawan tiyayta munaptiykiqa
tukuy pachatapap qamrayku saqiymanmi.
Mana kuyawaptiykiqa
kanchayniykiqa kutichiynintam
watan watan kawsayniypi qawapayasaq
wañunaykama”.



Chay takisqanta uyarispansi killaqa, asirikuspa, atuqta nin:
-- Aypamuway atispaqa –nispa.



atuq



zorro

urqu



cerro

killa



Luna

yaku



agua

musquy



sueño

qucha



cerro

quwi



cuy

